

kat.komp.



3484

III. Mag. St. Dr. P

1640 die 15 Martii.

Poenya 3054.

Lamborski Alberti: Jason Academicus —

Biblioteka Jagiellońska



stdr0004862

I A S O N
ACADEMICVS.

Q V I

INGENVIS ET VENERABI-
LIBVS XXIV. VIRIS,

Secundæ Laureæ in Artibus & Phi-
losophia CANDIDATIS,

Ob

VELLVS AVREVM
SCIENTIARVM ET HONORIS GLORIOSÈ
REPORTATVM,

Dum

IN AVLA DIVI IAGELLONIS
*in frequentissima Clarissimorum Hospitum corona,
solenni ritu, Artium & Philosophiæ Licentiati
renuntiarentur;*

De Literato Gazophilacio donaria,

Hoc est

PLACITA VIRORV
DOCTISSIMORVM,
ELARGITVR;

Et ab

ALBERTO SAMBORSKI eiusdem Laureæ Candidato,
Anno Domini, M. DC. XL. die 15. Martij

575.

MONSTRATVR.

CRACOVIAE, Ex Officina Typographica Francisci Cæsarij.

In Stemma,
DOMVS BARYCZCIANÆ.



*Bine mira crâcis moles suffulta nitescit,
Vna premit terras, spectat at illa Polos.
Baryczkarum etenim pietas, Nomenq̃ nitescit
Hoc nitidum in terris; illa sed astra petit.
At quæ hæc fulcra cruces geminas fulcire laborant?
Exprimitur fulcris Regius hisce fauor.
Ergo Domus fortis nec subdita casibus ullis,
Cui tellus plaudit, Rex fouet, astra fauent.*

NOBILI ET GENEROSO
DOMINO
ALBERTO
BARYCZKA,

SAC: REGIÆ MAIEST:
AVENARVM PRÆFECTO,
Domino & Patrono obseruando;

ALBERTVS SAMBORSKI, Secundæ Laureæ Candidatus
perennem felicitatem P.P.



A est fortuna in rerum humanarum regimen nimium sese ingerentis vis, ne dicam, assidua in transuersum agendi consuetudo, Magnifice & Generose Dñe, vt quamuis homo ratione, & infracta sui arbitrii libertate obarmatus, ab omniq; ei obsequendi necessitate seiunctus esse videatur: non raro tamen illius parere imperio, iussis morem gerere, cupiditati deniq; cogatur obtemperare. Illa enim sapenumero hominem rectā quapiam operandi studio & desiderio incitatum, si non ipso aditu facti arcet, at certè omni eum placita consequendi spoliât facultate: subterfugienti vero, & longe diuersa meditantî nuper iniquè denegata tradit, & violenter obtrudit faciendâ: adeo, vt Poeticum illud, quod Roxolanus noster Orichonius, ad Polonos sui temporis depingendos intorquet, nolunt vbi velis, vbi nolis cupiunt vlcro; idem de hac rerum humanarum (vt placet antiquis) domina non immerito possit affirmari. Et eius quidem rei egomet plusquam manifestum sum argumentum. Vt enim primùm demanda-

tam mihi tuorum Magnifice Dñe filiorum curam, & institutionem suscepi; da-
 bam equidem non segnem operam, ut prater curas & vigilias in eorum polien-
 da etate deuoratas, Tibi quodq; Magnifice Dñe, cuius in premendo Musarum cal-
 le non paruum mihi esset subsidium, grati animi mei significationem, quasi
 quoddam auctarium, aliquo indicarem argumento. Et voluntas quidem a-
 derat, facultas verò ob occasionis inopiam deerat. Porro nunc dum puluerem
 Academicum in promerendo secunda Laureæ honores laboriose colligo, nec aliud
 cogito praterquam ut omnibus exterioribus expeditis curis laborum inchoato-
 rum debita victoriâ lstrari possim; en ecce illa toties mihi expetita & toties à for-
 tuna denegata gratitudinis mea, Tibi Magnifice Dñe declaranda occasio mihiq;
 (ut dicam quod res est) subterfugienti ultro sese offert, & obtrahit: dum
 Concandidatis meis, ob superatos in Philosophia labores, honoresq; delatos gra-
 tulandi mihi demandatur officium. Quanquam verò & Musa mea sua con-
 scia tenuitatis, & aliorum laborum obuientium, pondus me à proposito re-
 uocarent: malui tamen parum facundus, quam parum gratus in Te Generose
 Dñe videri, omninoq; censui, nullo gratificandi studio teneri, non dubium esse
 inurbanitatis indicium, aut ingratitude suspicionem: quorum alterum à
 viro literarum amante longè abesse debet, alterum non hominum tantum sen-
 tentiâ, sed ferarum etiam nutu gestuq; improbatum. Affero igitur ad Te Ma-
 gnifice Dñe impolitum quidem, utpote ex longa redeuntem nauigatione, sed
 tamen animi mei Tibi obligatissimi, verum internuntium Iasonem Academicum,
 qui secunda Laureæ Candidatis ob superatum laborum Philosophicorum pela-
 gus, Vellusq; Aureum Scientiarum & Honoris, non in Colchica regione, sed in-
 ter Academicos parietes decerptum, literatum reserat thesaurum, donariq; hoc
 est, Virorum Doctissimorum placita seu sententias, laudibus eorum inseruien-
 tes liberaliter elargitur. Specimen hic habes Magnifice Dñe Academice insti-
 tutionis; ex qua conspicuam Virorum Coronam, ob labores premiata, ad Pa-
 triæ & Academia ornamentum prodire intueris: ut nequaquam Tibi dubitan-
 dum sit in tantis laborum premiis fore, ut filiorum tuorum, quorum Acade-
 miam Matrem, me verò Custodem esse voluisti, exulta & erudita indole gau-
 deas, Tibiq; eam gratuleris. Et quamuis superuacaneum esse quispiam existi-
 mare possit, Athenis Athenas laudare, hoc est Academicorum premiorum e-
 xemplar in breui charta depictum Tibi Magnifice Dñe, cui Academia discipli-
 nam, vel in filiis placere, iam pridem compertum est, dicare: nihilominus
 tamen, ut vna Bacho, spica cereri, Floræ odorifera quantumuis ijs affluant,
 non displicent; ita, quantumuis Generosum pectus Tuum amore erga Acade-
 miam exastuet, tamen opellam hanc meam eò gratiorem apud Te fore non pos-
 sum non diuinare, quò manifestius est, simile ad suum simile, naturali ferri
 desiderio. Quæ cum ita se habeant, Tu Magnifice Dñe, pro consueta tua fa-
 cilitate & affabilitate, Iasonem hunc Academicum, gratitudinis in Te meæ &
 disciplina Academicæ indicem accipe, & sinu tuo Argonautam hunc longa
 defessum nauigatione tanquam portu expetito dignare, fauoreq; proseguere.
 Quod si facis, erit quod sibi gratuletur, mihiq; suo ad Te Magnifice Dñe prodro-
 mo gratias agat singulares. Vale Magnifice Dñe, & Serenissimo Regi carus,
 Academia fauens, Tuis Clientibus & Filiis, eorumq; Pædonomo Patronus sin-
 gularis, non minus diutissimam, quam felicissimam exigas vitam.

Perillustri & Admodum Reuerendo
Domino, Domino
MARTINO CAMPIO
VADOVIO,
S. Theol: Doctori & Professori,
ACAD: CRAC: PROCANCELLARIO
longe dignissimo,

G R A T I T U D O.



E firma Consi Lechici ô gloria, &
Docti Senatus Cracici inoblitum decus
Cunctis VADOVI, iam ipsa furia Tartari
Inimica Recti, & vmbra Virtutis sequax
Inuidia pertimescit, amplius neque
Opponit atram gloriæ nubem Tuæ.

Inuita quin laudum Tuarum debitas
Non abdito sub corde reprimis buccinas
Sed ore non ficto canit VADOVIVM.
Tu gemmeam normam vetustæ Academix
Candoris & speculum eruditi ipse exprimis.
Dum corda & os vnâ tenere lineam
Doces, nec alto lingua cordi dissidet.
Tu si dolosa forte turba detonat,
Quam mundus iste corde portans toxicum
Solaque tantum pelle pulcher Histrio
A veriori Matris auocat sinu;
Mox fortem, & acrem, & Numinis zelo igneam
Cuncta impaudentis pectoris sententiâ
Fatum beatum despis: non cuilibet

A

Opinionis

Opinionis mobili vento obsequens,
Sed corda cautus cingis ære triplici
Scientiarum, ceu petra & Marpesia,
Linguae retundis captiosa murmura.
Hæc sera quondam posterorum sæcula
Seris retexent perpetim Nepotibus.
Et ipsa vincla distrahens silentij
Antiquiorum fæta mater temporum
Explebit orbem VADOVIANIS laudibus
Historia: porro nos Tuo sub nomine
Ad altiores laureæ ducti exedras
Queis Musa spiritus tenuiores dedit,
Augere quam vt Tuæ queamus gloriæ
Æternitatis insepultam memoriam,
Instar minorum VIVE volucrum dicimus.
Te Summus alti sideris factor Deus
Diu vigentem sospiteta vt olim domos
Serus polares comprimās sacro pede,



EXCELLENTISSIMIS,
 Admodum Reuerendis,
 DOCTISSIMIS PROFESSORIBVS,
 BENIGNISSIMIS
 EXAMINATORIBVS.
 GRATITVDO.
 O D E
 TRIC: TETRASTR.



*Quem diserti post Stadium Apollinis
 Victum, PIOTROVICI Sophia decus
 In calle primis differenti
 Cracus Aristoteles beaurit.*

*Et Tu Quirini sedulus eloqui,
 Cui melle facundo ora beator
 Apollo VITELLI rigauit,
 O columen Cracie palestra. &
 Tu cui latentes largior indidit
 Natura causas, corda scientia &
 Gestare fecit plena, Mater
 Sedulitas Sophia MODLINI
 Si iam Stagira marmore Cracie
 Littus remenso contigit anchora,
 Desideratos & nitores
 Laureole capiemus ampla
 Labore Vestro; Viuite Viuite,
 Et Vestra celi nomina sospitent
 Vestro labori premium det
 Perpetuum Iagelonis aula.*

AD VENERABILES
Secundæ Laureæ
CANDIDATOS.



REton Sarmaticam, ante duos Annos in solenni nostrum ad primam Lauream promotione dederam VV. Licentiati: cum eo nomine nihil aliud præstare mihi esset animus, quàm plerosq; Vestrum meos tunc Concandidatos, & alios quibus Honestum ex Academia collectum esset cordi, admonere & hortari, ut in isto quodam veluti studiorum Oceano solius Academia (quam eo titulo insigniueram) auspiciis & præceptis, ad maiora honorum fastigia deducerentur. Et voti quidem mei me compotem factum esse inficiari non possum: dum ornatissimam hanc Vestrum coronam intueor: non quod carminibus illis, aliquam vim inesse existimem, sed quod vos honesti, & bonarum artium incensi amore effeceritis, ut quod exoptabam, dum metrum illud parturirem, eius fructu in hac Vestra ad secundam Lauream conspiratione saciari mentem meam & expleri sentiam luculenter. Cum igitur ad lumen huius sideris labores Vestros compositos esse videam; EN IASONEM hunc Academicum Vobis exhibeo: qui longissimo laborum exacto cursu, in ipsa respiratione, quasi in littore consistens, Vobis propter Aureum Vellus Scientiarum & Honoris, quod illo duce, quasi quidam Argonautæ estis nacti, præter publicam laboriosæ indolis commendationem; nonnulla etiam è Gazophilacio literato deprompta largitur donaria. Quæ si doctrinâ magis quàm diuitias sapiunt doctrinam ille magis quàm diuitias imprecatur: si Vestrum quempiam meritâ dignatur commendatione, laboriosis addictus est: si deniq; quorundam animos ad altiora erigit, eorum quæ Vobis supersunt in Academia labores præfagus est. Cum igitur & Academicus sit, & Vestri boni amans, & studiorû addictus laboribus, & deniq; Vates; quidni VV. Licentiati eius donaria, hoc est virorum doctissimorû placita grato & memori pectori imprimatis? Imprimite, & Argonautæ ab Argonauta Academico impolita donaria æqui, boniq; consulite.

I A S O N

IASON ACADEMICVS,

ELARGITVR DONARIA.

V. D. STANISLAO SŁAWĘCKI,
SENIORI S. STEPHANI.

Scitum Leonidæ.

Melior est exercitus Ceruorum Duce

Leone, quam Leonum Duce Ceruo.

O Cui, Virili Martyrum in agmine
Primus, coruscum & Romulidum decus,
Suæ, locauit sorte curam, &
Præsidium Stephanus, Iuuentæ.

Hoc Te Mineruæ diuitiæ loco
Consi bearunt, primus vt exedram
Eas in altam, fructuosum &
Sis speculum, iubar atque nobis.

Tu dum eruditâ curris in orbita,
Sophosque iactas doctior; illico
Ad literatum concitati
Profilimus celeres laborem.

Leone Cerui ceu Duce, fortiter
In bella currunt. Numine prospero
Disrumpe non paruum laboris
Eia age Palladij catenam.

Sequemur ultro, quæque Polonico
Restant Lyceo prælia Apollinis
Vincemus infracti: Tibique
Turba Duci recinemus Io.

V. D. STANISLAO TEMBERSKI,
Nullus labor durus, quo gloria æterni-
tatis acquiritur. *Hieron: in Epist.*

Alcmená genitus maxima Maximi
 Diuorum soboles, nobilis Hercules,
 Multis supposuit colla laboribus,
 Factus Victor at omnium,
 Et magnum timidi subsidium Poli,
 Casuris humeros sideribus dedit,
 Iacturaq; graui climatis obstitit
 Atlas: sed benè viderant,
 Facti tanta sui nomina, posthumis
 Sero tempore victura nepotibus.
 Vrant namq; animos præmia, sæculis
 Non detenda perennibus.
 Tembersci, Aonij dulce decus chori,
 Quem mores nitidi, candida & indoles
 Ornant, maxima certamina Laureæ
 Inuictus superas. age,
 Desudes Cracio tramite longior
 Et Phæbi stadio non pauidus gradum
 Constantem moueas, vt sacra Te suis
 Portet fama curulibus.

V. D. ALBERTO KARWOWSKI,

Omnino iniquum est nobiliora ingenia
 studijs dehonestari minoribus. Ioan: Chrysost.

Qui non dolosi diuitias boni
 Sagaciori lance volatilis
 Mentis probauit, rebus atque
 De medijs bona vera legit,
 Hic grande fecit. Fulminis impiger
 Satelles haud vnquam generosior
 Ignobilem prædam sequaci,
 Sed rigidops necat, vngue tauros.
 Tu disce, veras, ad sapientiæ
 Spirare sedes, lubrica ludicro
 Fortuna nec Te ducet orbe,
 Pollicitis vitreis dolosa.

Iniqua

Iniqua quam sit dispice, dispice
 Virtute præclara & meritis sine,
 Hic dona prendit, quemque stare
 Fas fuerat, iacet in profundo,
 Qui impræmiatus stertere debuit,
 Stipendiorum hic munera surripit
 Virtutis almæ. Tu Camænas
 Artis ama Lechicæ Datrices,
 Quæ Te corusco nominis essedo
 Ultra Poloni culmina Carpathi
 Vehent, daturæ clarioris
 Præmia non moritura laudis.

V. D. ALBERTO SARNOWIC,
 PREMISLIENSI,

Si quis omnem vitæ suæ cursum in sola
 animi contentione conficeret: hunc mea sententiâ
 diuinis quibusdam bonis instructum atque
 ornatum puto. *Cicero pro Calio.*

Ornatus geminæ lumine Laureæ
 O lux Palladio candida in agmine
 Dum suprema beatæ
 Aspiras sapientiæ
 Docto tecta gradu visere, pectore
 Illas sollicito condere gestias
 Pelleus Iuuenis quas
 Transmisit Dario minas,
 Soles aula poli non patitur duos,
 Et regni solium nobile, comparem
 Odit: verna duobus
 Nunquam sufficit unicus,
 Quod si Te omnigenæ spes sapientiæ
 Protrudit stimulis, si iuga Apollinis
 Optas summa Poloni
 Felici premere omine:

*I perge indubius Numine prospero,
Hæc sed vana Tuo corde repellito
Quæ mundus veterator
Falso lumine iactitat.*

V. D. ZACHARIÆ HELCNER,
PREMISLIENSI,

*Omnia quæ à nobis geruntur, non ad
nostram vtilitatem, sed ad Patriæ salutem con-
ferre debemus. Cic: in Vatín.*

Leonis vrbi sola quæ Ruthenici
Cedunt, Premisli culmina,
Altrix Tibi donata Patria cælitus:
Quâ dignitate perpetim,
Septem sub algidis volat Trionibus.
O clara proles Helcnerûm
Hanc literatis Te elaborare ausibus
Sub vngue Consi perdecet:
Phæbea quasque Laurus auget Nominis
Docto in Senatu adoreas,
Priuata non censere laudis munera,
Soli referre aut Patriæ.
Scintilla si fors parua cumulat Cynthij
Illime corpus lucidi,
Natiq̃ue præclara in parentes gloria,
Redundat, & laudis nitor;
Cur gloriosa non Tuam Laurus quoque
Suauem coronet Patriam?

V. D. CHRISTOPHORO SZVSLINSKI,
Palinodia ad Carmen Pœtæ,

Fronte capillata post est occasio calua.

Lysippe magnum ô Sycionij
Lumen Senatus, dum faciem Deæ
Occasionis fingis arte;
Occipiti tribuas capillum.

Comata

Comata nec frons amplius emicet,
 Nec calua posthac tergora: Tu quoq;
 Occasionis fronte crines
 Demito, caluitiumq; tergo
 Poëta, pubem qui teneram instruis.
 Nam vestra tollit dogmata Suslinius,
 Occasionem, nudiori
 Caluitio, retinet fugacem.
 Dum quippe grandem nos propius sumus
 Metam laborum; tactus Apolline
 En ille primum tunc fidelis
 Deproperat fieri laboris
 Nostri sodalis, moxq; fauentibus
 Musis capit subsellia frontibus
 Lauri ferenda. Vos Camana
 Insolitos stupeatis ausus.
 Occasionis nam Sycionius
 Tergo capillos subtrahit; inclytus
 Suslinius sed nudiori
 Caluitio reperit capillum.

V. & R. P. ALBERTO SKAWINSKI,
 Vir cuius perspecta vita est, vno verbo
 vel nutu, longas aliorum superat Orationes,
 Pittacus.

T V quanquam anhelis clarior additus
 Liturgus aris stes, & inertia
 Sacra^{ti} honoris grande nomen
 Regna super populosq; ducas;
 Quanquam & Verendos, arbor Apollinis
 Sequax laborum Palladio beat
 Serto capillos, pulluletq;
 Binus honor gemino labore;
 Ast vita & almis maior honoribus
 Corona virtus, candor & aureus,
 Amorq; Iusti & cauta Ductrix
 Simplicitas, populiq; norma,

*Te obliuiosis nubibus eripit,
 Mistamq³ Consi non sine Laureis
 Leuat polis & præstat alto
 Ire parem superum penati.
 Beata tanto nomine Laurea
 Cui, dum virorem subdit Honoribus,
 Et vita ô Scauini, honores
 Et pietas, locat ampliores.*

V. D. VLADISLAO MITKOWSKI,
 Ferarum catuli sequuntur Parentes: à
 cespite suo virgulta non discrepant, &c. *Cassiodor:*
Epist: 14. lib: 2.

V Er mite postquam subsidio Poli
 Benignioris, vicerat Æoli
 Sæuos malignantis furores;
 Protinus altiuolans Tonantis
 Iouis minister, sydereas premit
 Vias, priores quas sibi fortior
 Paterna demonstrauit ala,
 Nubibus & propior volatus.
 Audax arenæ rex Lybicæ Leo
 Prædator, atro vt viscere prodiit
 Matris Leænæ, mox minaces
 Non dubius sequitur parentes:
 Et tu Parentis maxima spes Tui
 Lumenque certum Mitkouia domus,
 Si calle monstrato venustæ
 Ad Craciæ properas Corymbos,
 Sequaxq; Patris consequeris gradus;
 Iperge fælix. Nubila nemini
 Vnquam nocebunt, qui fidelis
 Iussa colit Patris eruditi.



V. D.

V. D. IOANNI CÆSARIO,
Spartam fortitus es hanc orna. *Euripides*
in Teleph.

SEV Te Cæsarium nomine Patrio
Iactet Callicpe, seu mea Te metra
Dicant Cæsarianum
Nostra gloria Laureæ.
Nec Te laus Patrij nominis inclyta
Castum Luminibus linquit, in arduas
Queis conscendere possis
Virtutis nitida domos.
Durum quippe Parens ut senium libris
Demit, quando sonos pagina prodidit
Iam victura gementes
Prælo condita Cracio.
Sic & Tu Cracias ductus in exedras
Æternam studiis confice gloriam
Musis, atq; Labora,
Ævum ne noceat Tuis.
Tu primum geminis non sine plausibus
Ornabis Patriæ laudis amabilem
Spartham, quæ tibi plusquam
Nautis clara Pharos nitet.

V. D. IACOBO LEMIESZ,
Castor & Pollux graues nautis cum so-
litarij venêre, mergentesque nauigia, gemini autem
salutares & prosperi cursus prænuntij. *Plin.*

NImphæ Vandalides, celsi quæ summa Veneti
Culmina pone vadum
Irriguum Craci gressu calcatis amæno,
Nauibus absque cauis;
Portendo vates felicia sidera vobis
Prosperum iterque maris.
Me Batthis Prussi, Venetus non Adria vidit,
Bina sed astra mihi

Dum Fratrum Lemieſſi Iagelonis in axe refulgent,
 Et paribus ſtudijs
 Vrgent laudis iter veræ, pariterque laborant,
 Nulla timenda reor
 Nubila; Caſtor enim frænum comitatus inoffenſum-
 Æquoris aptat iter.
 Tu tamen excelsum qui prodis Maior in agmen
 Nomina magna lege.
 Seuque cupis Pollux cantari, nomine ſiue
 Caſtora ferre cupis,
 I bone, & vt rebus poſſint quadrare labora
 Nomina pulchra ſuis.

V. D. IOANNI LEMIESZ,
 Multa nobis blandimenta natura ipſa
 genuit, quibus ſopita virtus conniueret: & multarum
 rerum iucundiſſimarum varietatem dedit, quibus non modo
 prima ætas, ſed etiam iam corroborata caperetur. *Pro M. Calio.*

Cui ſeius Gerion, Cerberus & Stygis
 Cuſtos Tartaræ, cui Leo & horridus
 Quondam ſuccubere,
 Alcmenâ ſatus Hercules
 Poſthac delicijs diſſluit, inclytâ &
 Torſit penſa Manu. Sic ferus Annibal
 Fractro robore Romæ
 Cervicem Capuæ dedit,
 At tu delicijs ecce domesticis
 Plenus, laudis iter Palladiæ premis
 Infracſtoꝝ nocentem
 Sternens corde Volupiam:
 O felix nimium laurus in ignibus
 Cui ardet medijs; qualiter inuia
 Contemptrix Salamandra
 Flammæ cedere neſcia.

V. D. IOANNI MAKOWIECKI,
 Specioſa eſt Veteranis ſapientia, &
 glorioſus intellectus, & conſilium. *Eccleſ: 25.*

Nec

N Ec Tu Camænæ serpis vmbra vilior,
 Sed celsa plantas per iuga
 Vrges, ad vlla non trementes ardua.
 Non quippe Te glebæ cogunt,
 Quas dignior non auribus Midas modo
 Afini, sed & cognomine,
 Stultè poposcit; nec molossi quam aulici,
 Oflam nitorum obeuntium
 Captas: sed alta mente musarum vias
 Premis amor vnus Palladis.
 Hic inter ambiguos es inscius modos
 Fluitare, quando Apollinis
 Docta in Stagira bella docta personant
 Iagelonia & certamina.

V. D. SIMONI ŁOSIECKI,
 SENDOMIRIENSI,

In senectute honorem legitimum con-
 sequi non poterit, qui in adolescentia disciplinæ ali-
 cuius exercitatione non laborarit. *Cipr: de Abus.*

P Alladij quanta te exornant dote labores
 Iuuenta dum florens genas pingit Tuas.
 Tanta tuæ veniet Łosiecki accessio laudis
 Pruina dum canos capillos conteget.
 Corporis & macri pallentia membra senecta
 Curuabit opibus diues almi Apollinis.
 Sic viridis verni dum floret scena theatri
 Si Sendomira floribus malus gemit;
 Arboris explebit donum, bene fætus herilem,
 Autumnus vt primum suum Regnum exeret.
 Et tu Łosiecki primæuo flore Iuuentæ,
 Non quilibet quas vir meretur laureas,
 Suscipis: hos tua dant Iuuenilia sæcula, flores?
 Qui fructus autumnio virescet? dicito.

V. D. ANDREÆ WOLFOWIC,
O fili, quam verum est hoc dictum:
Ex bonis viris liberos gigni bonos. *Euripid:*
in Alcm.

Nondum virili tegmine contegit
Genas capillus, sed radians Tibi
In ore ridet candicanti
Atque oculis melior Iuuentus.
Et iam Paternas, fratris &, arduas
Lauros prendis. Qualiter impiger
Iouis minister vere primo
Promptus iter graditur Paternū,
Siue ut Marathon Miltiadis decus
Magni verendum, concitat intimas
Virtutis ad curas ephebum;
Atque adimit sapidum saporem.
Wolfouū sic Tu decus inclytum
Spectas Paternæ munera gloriæ
Et fratris exculti Corollas.
Ad similem properas nitorem,
Laurosque prenas. scilicet hæc domus
Amata Musis, cinctaque Laureæ
Perenniori, nescit unquam
Degeneres generare fætus.

V. D. GEORGIO PIECHOWIC.
Fontem vnde hauseris orn. *Elias Reusn:*

Vellus aurati reuebis nitoris,
Małte Piechowicz viridesq; Lauros
Prendis, ut primum superas verendi
Prælia Consi.
Non decus tantum capit impolitum
Vulgus, atq; artis vacuæ cateruæ,
Te tamen vestit data gemma plus quam
Æquore ab alto.

Perge

*In calle Consi; cuius in inclyto
 Nunc educatus dogmate suscipis
 Lauros virentes: iste quippe
 Vera Tibi Cynosura fiet,
 Mundum ille vidit dissociabilem,
 Europæ & oras viderat inuias.
 Et Tu Magistrum ô Stephanski
 Ausibus his imitatus olim.
 Sed cura Musæ si similis Tuam
 Mentem tenebit (quam bona fors Tuæ
 Laudi faueret) nomen inde
 Fama Tuum referet sub axem.*

V. D. ANDRÆ ROLSKI,

*Honestæ vitæ institutio ab iis præce-
 ptoribus est petenda qui virtutem ipsis factis
 præstiterunt. In Apoph: Pauli Manut.*

VUA, canit vates, liuorem ducit ab vua,
 Odore & alnum, vasa replet pharmatum,
 Te quam ô oculis viderunt astra benignis,
 Musarum amor Lumenq; Rolski candidum?
 Suntque Tuum studium quanto dignata fauore
 Benigna fata celsioris Numinis?
 Quando Iagelonix tendenti ad præmia Lauri
 Gazasque doctrinæ tenendas aureæ;
 Te Cyrrhæ gnaro doctæ ductore redonant,
 Quo præeunte reconditos Phæbi Lares
 Sepositumque sacræ lumen, sedesque Mineræ
 Tangas, Camænis des fidelem & dexteram.
 Accelera propero gressu, vestigia nostri
 Vrge Magistri, iussa rite & exprime.
 Tunc iaciet primum maiores Laurea lucas
 Tandemque priscus veriori carmine
 Vua, canet vates, liuorem ducit ab vua,
 Odore & alnum vasa replet pharmacum.

V. D.

V. D. PAVLO PRZYTŹLOWIC,
Armat spina roſas, &c. *Claudian:*
in Epith.

Natura præclaras nemoribus inuiis
Muniuit artes cautior,
Callemq; durum ſtrauit atris uepribus:
Ibi & labores excubant,
Et obſeratis confident moleſtiæ
Portis grauiq; ianua.
His molliori qui extimeſcit limina
Beata grefſu ſcandere,
Ad montis imum ſtabit inſcius pedem
Ignota cunctis fabula.
Cernis ſalubris ſenſa quid hoc dogmatis
Ænigma quodq; continet?
Hic te labores ad moleſtos excitat
Noctes & inſomnes honor.
Nam qui tenaci carpit ungue candidum
Florem roſarum, pungitur.

V. D. IOANNI VLADISLAW OFMANSKI,
Quæ habent ſpeciem gloriæ colle-
ctæ ex inaniffimis ſplendoris inſignibus
contemne, breuia, fugacia, & caduca
exiſtima. *Cic: Fam: lib: 10.*

Iacentem vacuis demito corticem
Rebus, quæque ſuis vana ſequacibus
Mundus iaet inanis
Docto pectore diſcute.
Cernes terrigenum rebus inania
Eſſe immerſa: nitens & malè venditat
Auri gleba nitorem
Artes & toga Palladis

E

Non

Non vultus nimium sedulus aspici
Non adstricta beat fibula consonè:
Non & foccus acerbo
Qui modo religat pedem.
Qui rerum vario deliget agmine
Nec contemptim alios duxerit hic bene
Fama facta tonante
Ibit clarus in æthera.
Hæc si dispicias, non Tibi credito
Faceissent animi prælia candidi,
Luctus, labores, cura & atrox
Impavidis inimica somnis.

V. D. SEBASTIANO TRZECIAK,
Est quodam prodire tenus, si non da-
tur ultra. *Horat: Epist: 1.*

*S*upremus altæ Conditor cæli domus
Gazas inaccensis iugis
Scientiarum seposuit: ô prosperi
Fauere quantum huic Dî
Qui plebe stultâ vindicatus, clarior
Faustam Corynthem hanc contigit.
Dedit profundo nomen æquori Icarus,
Celsos volatus appetens,
Declinuiorem vellet ire si viam
Victurus olim longius.
At tu Camenæ concitatus amoribus,
I fauste fausto sydere
Ad Laureata ferta; sed prius tamen
Expende cauto pectore,
Primisne flagres Palladis consistere
An fors secundis, tertiis?



V. D. CHRISTOPHORO SIDECKI,
CAROLI V. Imperatoris symbolum,
VLTERIVS.

L Aboriosæ lumen adoreæ,
Et litterati gloria liminis,
Tam copiosâ dote felix
Munera prende, Lechi Palæstra
Queis Te redonat. Tu ingenij bonus,
Fæcundioris diuitias libri,
Amæniore, seu fauente
Nocte datas vigili labori,
Seu quas Palæstræ nobilis exedra
Infudit auri; pectoris inuio
Condis recessu, seu quid olim
Colloquium dederat Bonorum.
Expurge frontem Laurea & amplior,
Consi politam ponito in incudem
Æruginosi si quid vnquam
Moribus & studijs adhæsit.
Beatitatis nullus in integræ
Namque est repostus culmine. sed canam
Beatiorem, qui voluntate-
VLTERIVS canit, atque factis.

V. D. IOANNI STRZESZKOWSKI,
Studia Te clarum efficiant & nobilem.
Sen: Epist: 21.

D Octus & veri studij fidelis
Concomes, famæ celeres volantis
Quæret haud pennas; canet hunc venusti
Buccina Consi.
Phaon insano stimulatus æstro
Laudis, & toto cupiens in orbe
Dicier, Numen volucres iubet se
Grande vocari.

*Falsus at nunquam manet æuiter num
Gloriæ splendor, rediére quippe
Ad suas voces subito erudita*

Guttura cantu,

*Si Tuum nomen volucrem ferentem
Expetis, pulchrum studiis Laborem
Adde tunc primum volucer vehet Te
Pegasus orbe.*

*Si procellosus Boreas laboris
Mole, nutantem reprimat carinam:
Aureum Cracus Tibi fert Honoris
Vellus Iason*

V. D. GASPARO PADVKIEWICZ,
Optimum est viaticum ad senectutem.

Eruditio: Diogen. Laert: in vitis Phil.

Padukiewicz Eheu bonè
Annorum volucris currimus impetu
Et tempus rapido pede
Et nunquam reduci, sæcula corripit.
Humanis querimonijs
Surdum nec repetens flumina lachrymæ.
Quas plebs, insensum data
Effundit, subito verna recesserant
Postquam sæcula: scilicet
Annorum series crescit & in dies
Est æuum propius graue.
Verum Te studijs si capiet bonis
Ætas vltima diuitem.
Florescent senibus sæcula mensibus
Ætatis teneræ Tibi.
Atque hyemis medium floribus affluet
Gratis, vereque florido.



VOTVM

V O T V M
Ad Augustissimam
D E I
MATREM, VIRGINEM,
MARIAM & IOSEPH,
Castissimum par Coniugum
Virginum,
ORATORII ACADEMICI PATRONOS:

Pro
VV. SECUNDÆ LAVREÆ ACADEMICÆ
LICENTIATIS.



Vx ô caduci Climatis inclyta,
Cæcis dolosi quæ per inania
Promissa iam pridem Cerastræ,
Terrigenis radians oborta es
Arctos: beato viscere Iustitiæ
Emixa solem. Tu quoque pectoris
Cui castioris signa, rari &
Coniugij dedit ipsa magnis
Natura monstris, Virgo Viragini
Annexe custos: ô renitentium
Par mite stellarum, venusta
Nazarei decora, & Trionis.

F

O queis

O queis vetusti plurima supplicat
 Stagira Craci, queis Iagelonix
 Instructus artis dat frequentes
 Eloquio moderante laudes
 Tener Polonus; quàm sociabiles
 Conseruat aras Principis Angeli
 In æde, casto nata partu
 Ignigeræ soboles THERESSÆ.
 Lycea vobis cernua Lechiæ
 Laboriosis claraque adoreis
 Iugale ô par, par patronum,
 Visite fidereo penate.
 Dum pulla tandem turba fidelibus
 Nutrita Musis, durè Academicos
 Deducta per nifus, bicorni
 Litterulâ, solito sagoque
 Succincta, paruis mentibus inuium
 Aquor laborum non timidâ ingeni
 Carina, tranat, littori que
 De studijs Sophiæ coempto
 Emancipatam proijcit anchoram,
 Capitque donum, VELLVS ob AVREVM
 SCIENTIARVM ritè partum;
 Præsîde Palladio Senatu &
 Nauem coronat. Quanta sed æquore
 Enauigato mira parit, ferax
 Tellus laborum litterata,
 Ingenuo superanda nifu?
 Quàm torua, & ô quam spina minacibus
 Rigescit hastis, vt lapis eminet
 Agro Stagiræo, silexque
 Et teneris petra dura plantis?

Vos

Vos ergo (nam quos interea precer)
O clara cæli sidera fulgidi
 Nostræque ô stellæ palæstræ, &
 Sarmatici duo fulcra Mundi;
Benigniores cia laboribus
Fauete tantis: Ducite ad arduæ
 Virtutis excelsum cacumen
 Sepositos Sophiæ & recessus
Vestros clientes. Auspicijs enim
Vestroque Diui lumine prodromo
 Lauri senectam non timentis
 Pulla cohors viret en corymbis.
Vos ergo Consi per reliquum quoque
Ductate circum: vos sapientiæ
 Intaminatas ô Patroni
 Diuitias date: nam potestis.
O si laboris vos comites mei
Par grande Diuûm lenius excipit,
 Quæ nostra pro vobis precante
 Pollice congeminat, Camæna!
Quàm fausta vobis Laurea defluos
Stringet capillos? quamque decentiùs
 Nitore vallabit sinistram
 Æquorei spoliûm Tonantis?
Librum prehendet dextra tenaciùs,
Nutabit alto vertice pulchrius
 Gaudens quadraturâ rotaque
 Grande decus capiti galerus.
Si vestra sors hæc pectora concitat
Bino sodales plaudite Lumini
 Syluæque non parci Sabææ
 Damna sacris adolete flammis.

Sub Auspiciis felicibus
MAGNIFICI AC CLARISSIMI
DOMINI, DOMINI
MATTHIÆ WONIEYSKI,
PHILOSOPHIÆ ET MEDICINÆ
DOCTORIS,
In Alma Academia Cracouiēſi ſtudii
Generalis
VIGILANTISSIMI
RECTORIS,
Vrbis Cracouiēſis Senatoris
meritiſſimi.



